

Broj: 02C-3720-10/26
Sarajevo, 08.07.2026. godine

Na osnovu člana 64. stav (1) tačka b), člana 70. stavovi (1), (3) i (6) Zakona o javnim nabavkama (Sl. Glasnik BiH broj: 39/14, 59/22 i 50/24), člana 8. stav (2) tačka d) Pravilnika o uspostavljanju i radu Komisije za nabavke (Sl. Glasnik BiH broj: 103/14 i 49/23), i člana 27. Statuta Javne ustanove Opća bolnica „Prim. dr. Abdulah Nakaš“, na Preporuku Komisije za nabavku, broj: 02C-3720-8/26 od 03.07.2026. godine, u postupku javne nabavke roba – **Tlakomjeri i stetoscopi, JN-53/26**, direktor Javne ustanove Opća bolnica „Prim. dr. Abdulah Nakaš“, je donio

ODLUKU
o izboru najpovoljnijeg ponuđača
za LOT 1 i LOT 2

Član 1.

Prihvata se Preporuka Komisije za nabavku, broj: 02C-3720-8/26 od 03.07.2026. godine, za javnu nabavku roba – **Tlakomjeri i stetoscopi**, da se Ugovor za nabavku roba dodijeli ponuđaču „**BIOMEDIA**“ d.o.o. Sarajevo, ponuda dostavljena dana 22.04.2026. godine, za ponuđenu cijenu za lotove kako slijedi:

1. **LOT 1 – Tlakomjeri** – 10.985,00 KM bez uračunatog PDV-a, odnosno 12.852,45 KM sa uračunatim PDV-om kao jedinom i prihvatljivom ponuđaču na godišnjem nivou;
2. **LOT 2 – Stetoscopi** – 7.920,00 KM bez uračunatog PDV-a, odnosno 9.266,40 KM sa uračunatim PDV-om kao jedinom prihvatljivom ponuđaču na godišnjem nivou.

Član 2.

Postupak iz člana 1. ove Odluke proveden je metodom konkurentski zahtjev za dostavu ponuda, a za izbor najpovoljnijeg ponuđača korišten je kriterij „najniža cijena“.

Član 3.

Ugovorni organ je u Tenderskoj dokumentaciji propisao provođenje e-aukcije.

Nakon prijema i evaluacije ponuda konstatovano je da je ponudu za predmetnu nabavku za LOT-ove: 1 i 2 dostavio 1 (jedan) kvalifikovani ponuđač i to „**BIOMEDIA**“ d.o.o. Sarajevo.

U skladu sa članom 3.stav (3) Pravilnika o uslovima i načinu korištenja E-aukcije („Službeni glasnik BiH“ broj 80/23) u slučaju prijema jedne prihvatljive ponude E-aukcija se ne može zakazati, nego se postupak okončava u skladu sa članom 69. Zakona o javnim nabavkama („Službeni glasnik BiH“ broj 39/14, 59/22 i 50/24).

U predmetnom postupku ponudu za lot 2 dostavio je i jedan nekvalifikovani ponuđač i to „**INEL – MED**“ d.o.o. Mostar.

Član 4.

Izabrani ponuđač „BIOMEDIA“ d.o.o. Sarajevo obavezuje se da dostavi originale ili ovjerene kopije dokumentacije iz člana 45. Zakona o javnim nabavkama u roku od 5 (pet) dana od dana zaprimanja obavještenja o rezultatima postupka, s obzirom da iste nije dostavio uz ponudu.

Član 5.

Prijedlog Ugovora dostavit će se na potpis izabranom u roku od 10 (deset) dana od dana kad su svi ponuđači obaviješteni o rezultatima postupka.

Član 6.

Ova Odluka objavit će se na internet stranici Javne ustanove Opća bolnica „Prim. dr. Abdulah Nakaš“ (www.obs.ba), istovremeno sa upućivanjem ponuđaču koji je učestvovao u postupku javne nabavke, u skladu sa članom 70. stav (6) i članom 71. stav (2) Zakona o javnim nabavkama.

Obrazloženje

Postupak javne nabavke sproveden je putem konkurentskog zahtjeva za dostavu ponuda, broj tendera JN-53/26, a isti je pokrenut Odlukom o pokretanju postupka javne nabavke, broj: 02C-3720-1/26 od 28.04.2026.godine. Komisija za nabavku, imenovana je Rješenjem broj: 02C-3720-2/26 od 28.04.2026. godine.

Procijenjena vrijednost javne nabavke iznosila je 19.000,00 KM bez uračunatog PDV-a, odnosno po lotovima:

1. LOT 1 – Tlakomjeri - 11.000,00 KM
2. LOT 2 – Stetoskopi - 8.000,00 KM

Komisija za predmetnu javnu nabavku dostavila je direktoru Javne ustanove Opća bolnica „Prim. dr. Abdulah Nakaš“ Zapisnik o pregledu i ocjeni ponuda broj: 02C-3720-7/26 od 03.07.2026. godine, Preporuku o izboru najpovoljnijeg ponuđača broj: 02C-3720-8/26 od 03.07.2026. godine i Izvještaj o radu broj: 02C-3720-9/26 od 03.07.2026. godine.

U postupku po Izvještaju o radu Komisije, utvrđeno je da je Komisija za nabavku blagovremeno i pravilno izvršila otvaranje, pregled i ocjenu prispjelih ponuda, o čemu je sačinila odgovarajuće zapisnike, u kojima je utvrđeno da su u predmetnom postupku blagovremeno primljene dvije ponude i da nije bilo neblagovremeno primljenih ponuda.

- Naziv i sjedište ponuđača koji se isključuju zbog neispunjavanja uslova za kvalifikaciju, te obrazloženje razloga njihovog isključenja, za svakog ponuđača posebno:

Ponuda ponuđača „INEL-MED“ d.o.o. Mostar za LOT 2 odbacuje se kao nepravilna u skladu sa članom 68. stav (4) tačka i) Zakona o javnim nabavkama Zakona o javnim nabavkama Bosne i Hercegovine („Službeni glasnik BiH” broj 39/14, 59/22 i 50/24), iz razloga što ne ispunjava u potpunosti tehničku specifikaciju iz tenderske dokumentacije, jer je za aluminijski stetoskop tražena maksimalna težina 100 g, dok je za ponuđeni model ADC Adscope Lite 619 u katalogu i na službenoj stranici proizvođača navedena ukupna težina 105 g.

- Analiza ponuda vezano za ispunjenje zahtjeva u pogledu opisa predmeta nabavke i tehničkih specifikacija:

Ponuda ponuđača „BIOMEDIA“ d.o.o. Sarajevo za LOT 1 i LOT 2 je prihvatljiva u skladu sa odredbama člana 2. stav (1) tačka 1) podtačka 1) Zakona o javnim nabavkama Bosne i Hercegovine („Službeni glasnik BiH” broj 39/14, 59/22 i 50/24).

U postupku donošenja ove Odluke, posebno su cijenjene činjenice da je Komisija, pravilno i potpuno, izvršila ocjenu kvalifikovanosti ponuđača te pregled i ocjenu početne i konačne ponude, u skladu sa kriterijumima iz Tenderske dokumentacije.

U postupku ocjene provedenog postupka, direktor Javne ustanove Opća bolnica „Prim. dr. Abdulah Nakaš“ nije našao razloge, nepravilnosti niti propuste u radu, koji bi eventualno bili osnov za neprihvatanje Preporuke Komisije za nabavku. Naime, u postupku je ocijenjeno da je Komisija u svemu pravilno postupila, te da je izbor najpovoljnijeg ponuđača izvršen u skladu sa Zakonom o javnim nabavkama, podzakonskim aktima i Tenderskim dokumentom.

Iz navedenih razloga, primjenom člana 64. stav 1. tačka b), člana 70. stavovi 1., 3. i 6. Zakona o javnim nabavkama (Sl. Glasnik BiH broj: 39/14, 59/22 i 50/24), člana 8. stav 2. tačke d) i f) Pravilnika o uspostavljanju i radu Komisije za nabavke („Sl. glasnik BiH“ broj: 103/14 i 49/23) i člana 27. Statuta Javne ustanove Opća bolnica „Prim. dr. Abdulah Nakaš“, odlučeno je kao u članu 1. ove Odluke.

POUKA O PRAVNOM LIJEKU: Protiv ove Odluke može se izjaviti žalba, najkasnije u roku od 5 (pet) dana od dana prijema ove Odluke. Žalba se izjavljuje Kancelariji za razmatranje žalbi Bosne i Hercegovine, putem ugovornog organa u pisanoj formi direktno ili preporučenom poštanskom pošiljkom na adresu: Javna ustanova Opća bolnica „Prim. dr. Abdulah Nakaš“, Kranjčevićeva broj 12, Sarajevo. Žalba se podnosi u najmanje 3 (tri) primjerka.

Pripremila:

Amra Mulaosmanović, BA prava
Službenik za javne nabavke

Kontrolisala:

Aldijar Ćo Ajkunić, BA prava
Šef Ceka za javne nabavke



DIREKTOR

Prof. dr. Ismet Gavrankapetanović

Dostaviti:

- „BIOMEDIA“ d.o.o., info@biomedia.ba
- „INEL-MED“ d.o.o., info@inel-med.ba ; darjan.juric@inel-med.ba
- Odsjek za javne nabavke
- Odjeljenje za tehničke poslove i investicije
- Odjeljenje za ekonomsko-finansijske poslove